

# VISCHNAUNCA DA RUEUN

## REGLAMENT DA TAXAS PER LUBIENTSCHAS DA BAGHEGIAR

---

Conform als artechels 92 e 97 dalla lescha da baghegiar dalla vischnaunca da Rueun relai la radunonza communal dils 19 da fenadur 1991 suandont reglament da taxas per lubientschas da baghegiar:

1. La taxa per la lubientscha da baghegiar vegn fixada tenor la valeta dil baghetg eregius, conform al schazetg official cantunal. Per mintga object quenta la vischnaunca ina taxa da 0,2% dalla summa da schazetg digl uffeci da schazetg cantunal. En questa taxa ein tuttas sesidas e controllas ordinarias dalla suprastonza communal sco era dalla cumissiun da baghegiar cuntenidas.

2. Per mintga tractament ni controlla extraordinaria vegnan ils cuosts adossai tenor tarifa da vischnaunca supplementaramein al proprietari. Medemamein vegnan era cuosts per giudicaturas ni expertisas da professionists specialisai adossai supplementaramein al proprietari, e quei tenor ils cuosts effectivs che talas expertisas caschunan.

3. Per objects pli pigns vegn ei quintau ina taxa pauschala:

en zona da baghegiar	frs. 100.--
ord zona da baghegiar	frs. 200.--

4. En tuts cass extraordinaris tier quest reglament fixescha la suprastonza communal (tenor art. 92, lescha da baghegiar) la taxa.


5. Il tschentiar quen e pagament da sura taxas duei succeder tier la surdada dalla respectiva lubientscha e vegnir pagaus enteifer 30 dis tenor la summa da baghegiar approximativa. Il quen final duei vegnir tschentaus dalla canzlia communal cura ch' igl object ei vegnius schazegiaus officialmein.

6. Quest reglament passa en vigur cun l'approbaziun tras la radunonza communal.

7156 Rueun, ils 20.7.1991

Per la suprastonza communal:

Il president:



Igl actuar:

